

之會自數世以來政多息食其弊為駭
術四牡橫奔皇路險傾方將世勒鞅辦以救之
豈暇鳴和鑿清節奏哉昔高祖令蕭何作九章
之律有夷三族之令黥劓斬趾斷舌梟首故謂
之具五刑文帝雖除肉刑當劓者答二百當斬
左趾者答五百當斬右趾者棄市右趾者既殞
其命答撻者往往至死雖有輕刑之名其實殺
也此之時人皆思復肉刑至景帝元年乃下
詔曰今與重罪無異幸而不死不可為民乃定
律減笞輕捶自是之後笞者得全以此言之文
帝乃里刑非輕之也以嚴致平非以寬致平也
必欲行若一日當大定其本使人主師五帝而式
三王盪亡秦之俗遵先聖之風棄苟全之政蹈
稽古之縱復五等之爵立井田之制然後選稷
契為佐伊呂為輔樂作而鳳凰儀擊石而百獸
舞若不然則多為累而已

尚方令箴

崔寔

煌煌尚方右之玉府九貢是中百珍是聚玉以

享神珠以扞禦尚華三金食飲器撤上下有章
不虞用戒

符節令箴

崔寔

在尊曰璽在卑曰印防不可不審制不可不常
如姬竊印晉郗受殃符臣司節敢告不剛

唐 大穆皇后哀冊 李百藥

維貞觀九年歲次癸未冬十月辛丑朔二日庚
寅大穆皇后梓宮啓自壽安陵將祔於獻陵其
日至尊親奉殿於大安宮乃使兼大尉某設祖

縣志卷之五

十一

於行宮禮也龍攢夙啓翟輅朝陳方祗靖德圓
魄虛神衰子嗣皇帝諱攀考劔而長號想禘榆
之弗御痛異宮之隔禮切分心於窮慮二南風
化萬古徽音式昭史冊如玉如金其詞曰玄功
膺靈景福氤氳將開樞電且應黃雲曰惟基命
於昭德性配天不夫復夏無競門德丕承華宗
遞興皇家漢氏祥發慶膺宜符世胃竝會休徵
帝妃北渚聖母東陵秘景陰陵含章嬪則柔順
含弘幽閑毓德率禮無違尊師罔惑言昭圖史

聲邦國帝錄將啓天妹言歸塗三山表貺渭納增
暉外求才賢內鑒幾微頰繫夕牖絲染中闈琴
瑟匪諧冰霜是潔道叶離明貞符克悅潛德勿
用內教爰設世罕文 時虧地節膺期集社舍和
履正華渚降祥高襟誕慶潛著軒象未彰靈侷
奄御雲衣俄飛天鏡嗚呼哀哉受終撫運馭極
秉乾物思厚德政闕承天璽罇委棄金屋虛筵
嗟故劍之無託嘆房樂之徒懸嗚呼哀哉宸駕
上僊王几垂裕率土過密同軌畢赴背櫟陽於

神宇指原陵之封樹棹虞妃之不從遵周典而
遷禘嗚呼哀哉蒼茫昭世冥漢神心松庭幽寂
隧路凝陰儼龍輜而未進切鳳鳴之哀吟水涵
滔而不息日黯黯乃將沉百神驚而玄兆邃萬
國慟而寒山陰暉祥雲於畢陌結微霜於穀林
嗚呼哀哉極寰宇之儀刑播英聲於先後惟皇
運之天長配靈崑而地久流青風於椒掖散白
雲於陵阜軼任妙之高縱邁蒿華於不朽嗚
呼哀哉

封建論

李百藥

逡觀載籍論之詳矣咸云周過其數秦不及期
存亡之理在於郡國周氏以堅夏殷之長久遵
黃堂之並建維城盤石深根固本維王綱廢而
枝幹相持固使逆節不生宗祀不絕秦氏背師
古之訓棄先王之道剪華特險罷侯置守子弟
無尺土之邑兆庶罕共理之憂故一夫號澤七廟
黎祀然則得失成敗各有由焉而著述之家多
守常轍莫不情亡今古理蔽澆淳歆以百王之

季行三代之法天下五服之內盡封諸侯王畿
千乘之間俱為采地是以結繩之化行虞夏之
朝用象刑之典治劉曹之末鏃舩求劍未見其
可徒知問鼎請隧有悞霸王之師白馬素車無
復藩籬之援不誤望夷之釐未甚羿浞之灾乃
欽明昏亂自革安危固非守宰公侯以成興廢
陛下握紀御天膺期啓聖救億兆之焚溺掃氛
覆於寰區創業垂統配二儀以立德發號施令
妙萬物以為言獨照宸衷永懷前古將復五帝

而脩舊制建萬國以親諸侯愛敬蒸蒸勞而不
倦夫舜之孝也訪安內監親嘗御膳文王之德
也每憲司讞罪尚書奏獄大小必察枉直成申
舉斷之法易大辟之刑仁必惻惻貫徹幽顯大
禹之泣辜也正色直言虛心受納不簡鄙訥無
棄芻蕘堯之永諫也弘獎名教勸勵學徒既擢
經於青紫將升碩儒於外相聖人之善誘也每
見視朝聽受無倦智周於萬物道濟於天下罷
朝之後引進名臣討論是非備盡肝膈唯及政
事更無異辭總及日晏命才學之士賜以清閑
高典籍雜以文詠間以玄言乙夜忘疲中宵不
寐此之四道獨邁往初斯實生民以來一人而
已弘茲風化昭示四方信可以期月之間彌綸
天壤而淳粹尚阻浮詭未移此由習之永久難
以卒變請待斲雕成朴以質代文刑措之教以
行登封之禮云畢然後定疆理之制儀山河之
賞未為晚焉

晉 劍閣銘

張載

父汝獨郡太守載至蜀省父會其創
銘武帝命鑄之劍閣山巖中書

巖巖 峽山積石我我遠厲川與近綴根端南
印襲山 逆袞斜狹過彭碣高踞嵩華惟蜀之門
像固以 下鎮是日劍閣壁立萬仞窮地之險擇路
之峻以 濁之逆道清斯順閉由從漢開自有正
悉得 二并吞諸侯齊得十二田生獻籌策
使臨 之外區一人荷戟萬夫趨趨形勝之地
匪親勿 若昔在武侯中流而喜山河之固見屈
吳走曲 寶實在德險亦難恃洞庭孟門二國不祀
自古立 今天命匪易憑阻作昏鮮不敗績公孫
卷五 天 十五

元

朝學記

國子監監丞趙君仁揆

大德八年 十達貴化赤鐵木谷見縣 為性良主
簿孫敬 祀重脩大成殿講堂建鄉賢堂及東西齋
廊六間 公餘親視論以勸後學通經者優其家
於是鄉 現進士前真定府學錄李弘敬集眾儒
生而告 自石林公建學以來諸君如繼力善

之勤不整石紀績則於卓越有為者恐有負焉
遂遣吾友嘉君伯祿之子淳屬予記之愚謂天
下之治路府州縣四者而已親民之職州縣尤
切得其人則教行而習美其功立見非其人則
不能然也牧民之道曰庶富教三事而已安集
不擾則庶矣勸率農耒則富矣謹庠序之教申
之以孝悌之義古之聖賢載諸方冊見諸行事
無所不備但人知之而莫之舉行也為守令者
可不以盡承流宣化之責哉安平博陵學金源
縣志藝文卷五

氏亡掃地無餘是縣乃古之博陵國也憲宗用
武西南釣魚山時主簿程享招廷中牟王均王
先生教授此土余登筴而受業焉見其人物井
市比旁邑先富庶故有小燕京之號士子不下
數十輩視他邑文風獨先盛而其文廟則蔑如
也每春秋丁朔望吾夫子行祀於諸儒之家以
為故事世祖建炎以來祖述三代訖今四十六
年德音時降文治日親至元庚午趙州同知石
永山來尹是邑教諭李曜首倡立廟學事詢諸

邑宰石抹公翕而從之遂建大成殿三間縣人
李瑒李裕與有力焉至元壬午教諭李曜覽其
正殿階庭繪塑文宣王顏子孟十哲之像至元丁
亥主簿中山李思義建明倫堂三間至元戊子
達魯花赤刺速魯欲終前事率鄉之士夫鳩貲
五百五十貫值改遷不果至元壬辰燕南河北
道肅政廉訪副使東平呂遂按治重縣見東城
雍熙門壞以梁柱盡付學俾備修造至元癸巳
達魯花赤帖木乃克終其事為門三間及賢廊

縣志藝文卷五

十七

十間大德改元縣尹高縣史玉繪七十二賢二
十四大儒及鄉賢李燮李覃李凡李敬族李德
林李百藥李安期李潮李文博崔姻崔瑗崔寔
崔州平崔洪崔監崔玄暉崔孝芬崔枕計四十
四軸門以樞星繚以周垣大德六年達魯花赤
教化縣尹南樂蔣舉人置禮器二百二十庖厨
二間標置學田二百九十五畝所得租粟春秋
奉祀餘廩師生今茲前後諸賢如出一律者秉
彛好德同然固有之心也嘗欲挾脩策曳長裾

追迹舊遊往觀盛事然去吾家百里俗累多務不能以意而往乃今幸得掛名廟庭豐石之側以慰素懷是以喜而書之不辭噫有學以成之而無以為薦薦之而無以為用用之不能盡其材使皓首窮經終身白面僕隸之下所謂豪傑猶興之士固無所議若夫凡民之初學信道未篤者恐或外慕鮮有不棄其學而趨他塗焉者矣以亦非州縣之所及也任是責者其賢當何如哉雖然為士子者當以諸公之心為心勉勉

勇期於必成無以富貴利達為事則其所至豈可量也哉鐵木答兒剌兒台人氏前河津縣達魯朶赤縣尹馬惟良字溫夫保定人也前吏部提控令史主簿孫敬祖字直中大都人也前膠西縣主簿教諭李驥字仲明本郡人也今謚為賢孝先生大德乙巳孟春日謹記

孝感聖姑廟記

提舉是廟王道同敬持教諭李許所述聖姑廟事狀來請文勒諸石按聖姑姓郝氏字女君者

甯相博本郡師政通玄里會涓村人也。人義母
張氏。其家貧。年踰四十無子。夫妻常禱於神。不
越歲。女君生焉。既長。性貞淑。及笄。父老。其母
女君曰。無是季備養。一旦適人。反貽其憂。臣辭
不許。竭力溫清之。其父偶值疽發背。醫莫能効。
女君憂遑。每夕致禱於北辰之下。時復吮其穢
血。或勸之曰。若是恐有害於汝。女君答曰。願父
病愈。以身代之。寧是之避耶。未幾果愈。於是鄉
人嘆曰。非孝感神明而然乎。厥後父母俱以天

年終罄家資以瑩塋具。合祔于村之右廬。于
墓側寢苦枕塊。卒哭而後歸。時祭哀。墓以至終
喪。未嘗少懈。衆皆憐之。寰宇記所載云。一日女
君與隣女。攜米滌漚。二水之間。為河伯神來迎。
僊于水府矣。王莽安漢年間。光武被王郎害。臣
走燕趙。經博陵。抵會涓。人馬渴甚。女君荷瓶一
以水。至前。人馬俱濟。由是衆愈異焉。故立廟於
古城北。墓之上。嚴其廟貌。光武即位。思羣臣。邾
女君以水濟人馬之功。賜以孝感聖姑之號。扁

之民蚕婦耕夫每及清明卽雖千百里之遠致
香者如織蓋有所禱如影響然也迄我皇元歲
丙午南平州帥趙澄惜其祠之隘陋廼於東偏
築層臺可數十尺構今廟焉為前後者工廊穿
於中袤八丈有奇廣及丈者四九椽題梁棟丹
碧黝亞炫曜人目實全趙一偉觀也至元初制
命天下諸司皆令長春宮總之以故真人法旨
遣道士王道同領其廟事創建神門三間執楮

縣志藝文卷五

幣之爐者一栖雲臺三間繚以崇垣植以松栢
蔬園花園綉綺蔚蔚富陽和溽暑之際宜乎邑
人遊憇以樂而忘返也歲戊寅燕南憲使汲郡
秋澗王公巡歷至縣少暇謁于祠下諗于左右
曰是邑有遺跡女君胡可刻之金石白于悠
父耶但題樂府詩頌詠其美而後去之揭于廟
楹庸侈夫名士大夫之辭也嗟乎寥寥五十年
餘何無一人能繼此公之志者蓋事之完也良
有是耳至至順三年歲辛未夏恒陽士教承事

中張以益慶鍾厥子而祿養不逮揆其所自
宜方有顯褒今特贈為承德即行在刑部江
西清吏司主事靈其不昧尚克承之

皇帝勅曰朕惟辟臣之才者固本於父亦必資
母德焉存有褒榮殛有追贈此有國之通
制也行在刑部江西清吏司主事張鳳之
母于氏有子能官而不逮養沂惟所自宜
錫以褒榮茲特贈為安人靈其承之永責幽壤
刑部主事張鳳本身及妻勅命一道

皇朝文獻通考卷五十八

二十二

皇帝勅曰刑部古司寇之任慎刑罰以重民之
命故置屬詳於諸部而必遴選其人以任
之承德即行至刑部江西清吏司主事張
鳳發身賢科擢任斯職既歷歲年式克慎
勤是用錫之勅命以示褒榮爾健厥職使
刑清而民服尚有以旌寵爾者爾惟懋哉
皇朝勅曰夫婦入之大倫故朝廷推恩群臣命
必及之行在刑部江西清吏司主事張鳳
妻于氏克相其夫茲特勅為安人祇朕榮

恩永光閨闈

刑部員外王健父母誥命一道

皇帝制曰國家推恩臣下必及其親者所以重本而勸孝也而何間於存歿哉刑部福建清吏司員外郎王健故父厚善積于躬慶延厥子揆其所自宜有顯褒今特贈為奉訓大夫刑部福建清吏司員外郎靈其不昧尚克承之

制曰朕惟群臣之才者固本於父亦必資母德焉存有褒榮歿有追贈此有國之通制也刑部福建清吏司員外郎王健之母趙氏有子能官而不逮養泝惟所自宜錫褒崇茲特贈為宜人尚克承之永貴幽壤刑部員外王健本身及妻誥命一道

皇帝制曰刑部古司冠之任慎刑罰以重民之命故置屬詳於諸部而必遴選其人以任之爾刑部福建清吏司員外郎王健發身胄監擢屬龜官比以隨征陷於戰陣勞苦

可憫良切朕心茲特進贈爾階奉訓大夫
職如故錫之誥命以示旌褒嗚呼人孰無
死惟死于國事者為至榮也爾上祇服隆
恩永慰冥漠

制曰夫婦人之大倫故朝廷推恩群臣命必及
之刑部福建清吏司員外郎王德妻邢氏克
相其夫茲特封為宜人祇服榮恩永光閨闈
工部員外蘇起父母誥命一道

皇帝制曰朕惟為人子者就不欲顯揚其親故
縣志藝文卷五
二十四
子之賢而能宣力效職者朝廷必推恩以
報之所以遂其顯親之心而勸天下之為
孝者也爾工部營膳清吏司員外郎蘇起
故父士原善裕於躬慶延于後是致有子
效用于朝推厥本原宜錫褒顯今特贈爾
為奉直大夫協正庶尹工部營膳清吏司
員外郎靈其不昧尚克承之

皇帝制曰朕惟人子之材雖本于父而資于母
德亦深矣故國家推恩臣下存則有褒榮

之命沒亦有追贈之典焉爾裴氏乃工部
營繕清吏司員外郎蘇起之母夙有德善
著於閭門是生令子效勞于國揆厥所自
宜有顯褒茲特贈爾為宜人靈其歆承永
賁幽壤

工部員外蘇起本身及妻誥命一道

皇帝制曰工部掌天下百工山澤之政命而其
屬有四皆置郎以長之必得其人乃克有
濟爾奉直大夫協正庶尹工部營繕清吏

縣志藝文卷五

二十五

司員外郎蘇起發身胄監擢為縣正繼職
冬官又効勞動茲特錫之誥命以示褒崇
服此隆恩益圖懋脩以稱朕任使之意尚
有顯秩需爾後効欽哉

皇帝制曰朕惟人臣克效勞於國者雖本于父
母蓋亦有伉儷內助之力也故推恩之典
必及之爾工部營繕清吏司員外郎蘇起
妻李氏克盡婦道以相其夫致能盡心於
所職茲特封爾為宜人服此榮恩永光閭

閻欽哉

南京戶部侍郎張鳳本身及妻誥命一道

皇帝制曰戶部掌天下田土生齒之籍金谷財賦之計調度經費之務至煩至勞自非才能之優何以稱其職任之重哉爾正議大夫資治尹南京戶部右侍郎張鳳發身賢科擢典刑政遂陞卿佐轉二地官理賦稅之浩煩清兵民之出納勤慎益著朕用佳之茲特錫之誥命以示褒榮嗚呼知民庶之艱難必償之得其養量國用出入必有以合乎宜益懋爾榮以光朕命欽哉

縣志藝文卷五

二十六

制曰朕于任職之臣既推恩于其親而又榮及其配者所以明國典而厚人倫也爾安人李氏乃南京戶部右侍郎張鳳之妻夙謹婦道用相其夫已嘗受恩封矣今爾夫進厥官亦宜申爾宗命特加封為淑人益懋欽承永光閭閻

戶部尚書張鳳本身及妻誥命一道

皇帝制曰朕惟國家量德授任價之弼成治功
是以推恩之典必及其祖考者所以褒答
其所從也爾贈通議大夫南京戶部右侍
郎張得林乃戶部尚書張鳳之祖克修厥
德垂裕於家致有賢孫歷躋顯用褒崇所
自爾宜服恩茲特加贈爾為資政大夫戶
部尚書顯秩榮名永貴泉壤幽靈不昧尚
綏后人

制曰朝廷簡推賢能畀以重任褒崇之典必及
縣志藝文卷五十八
其先著勸獎勞動之意也爾戶部尚書張
鳳祖妣贈淑人王氏善積在躬慶延於後
致有孫子顯用于朝推厥本原宜頒異數
特加贈為夫人尚克承之永庇爾后

戶部尚書張鳳父母誥命一道

皇帝制曰士之仕而能理國重事者則推恩之
典必及其親斯固以寵賢者蓋亦嘉其有
先德焉爾前禮科右給事中累贈通議大
夫南京戶部右侍郎張益乃戶部尚書鳳

推厥本原宜錫褒顯今贈爾為徵仕郎
光祿寺珍羞署署丞靈其不昧尚克承之
皇帝勅曰國家制推恩之典以寵任事之臣其
能盡心於職務者則必榮及其親所以示
嘉褒而勵忠孝也爾光祿寺珍羞署署丞
靳弼母張氏克勤母道訓成厥子為國之
用今特封爾為太孺人祇服崇恩以隆壽祿
光祿寺署丞靳弼本身及妻勅命一道

皇帝勅曰光祿掌姐豆之事以供宗廟朝廷之
縣志藝文堂

三二二

用而置四屬分理之必皆得人乃克有濟
爾徵仕郎光祿寺珍羞署署丞靳弼發身
上庠為屬光祿克勤勞動亦既歷年是用
賁以龍章錫之勅命其益盡乃心以致其
精潔而謹於用則爾為稱矣欽哉

皇帝勅曰朕惟任職之臣既推恩于其親而又
以榮及其妻者所以明國典而厚人倫也
爾光祿寺珍羞署署丞靳弼故妻傅氏夙
勤婦道用相其夫既已早沒茲特贈爾為

孺人服此榮恩永光幽窀

府軍衛經歷劉俊父母勅命一道

皇帝勅曰朝廷推恩群臣而必及其親者所以重本而勸孝也爾劉潤乃府軍後衛經歷司經歷俊之父慶鍾厥子祿養乃違揆其本源宜申卹典特贈爾為徵仕郎府軍後衛經歷司經歷九泉有知服斯寵命

勅曰孝子愛親靡有存沒之間故朝廷制推恩之典所以體其心而重大倫也爾趙氏乃

縣志藝文卷五

三十一

府軍後衛經歷司經歷劉俊之母有子居官爾乃 養推厥所自卹典宜頒特贈為孺人尚克欽承永光泉壤

府軍衛經歷劉俊本身及妻勅命一道

皇帝勅曰國家兵衛之設所以分理軍政長貳皆以武臣處之至於幕職亦必得人乃克有濟爾府軍後衛經歷司經歷劉俊發身監冑擢任今官用進爾階徵仕郎錫之勅命以為身榮其益盡心毋怠厥職欽哉

勅曰國家推命群臣而必及其室家者不以存
沒而有間也爾府軍後衛經歷司經歷劉
俊妻張氏克勤內助而已早沒特贈為孺
人真漢有知服斯寵命

勅曰夫婦人之大倫故朝廷推恩臣下命必及
之爾府軍後衛經歷司經歷劉俊繼室未
氏婦道克敦善相其夫特封為孺人服此
榮恩永光閨閫

上林苑典署王均輔本身及妻勅命一道

皇帝勅曰國家置上林之苑苑有監分蕃育之
署署有僚必得其人方稱茲任爾上林苑
監蕃育署典署王均輔發迹成均累遷仕
籍歷年漸久奉職惟勤茲特進爾階文林
郎錫之勅命爾其益殫心力用免曠瘼庶
酌任使之榮以待官階之陟欽哉

勅曰夫婦之際風化所先君臣之間恩禮攸在
凡為伉儷必與榮封爾上林苑監蕃育署
典署王均輔妻刁氏早聞內則克相厥家

夫既有官秩官階貴茲特封為孺人崇奉
率頒式光閨闈

刑部主事張舜臣父母勅命一道

皇帝勅曰若稽古帝王茂昭敬事於

皇天

祖考以申厘錫是用大布惠術各推所自以長
寵休矧爾顯相之臣各愛其親者乎爾張天
秩乃刑部貴州清吏司主事舜臣之父剛方
沉毅庶靜簡重事多卓勵乎俗行不苟同

系 藝文卷五

三十三

於人而其至孝篤友內外無間言殆天性
也自分平生力學無所試刻意訓迪以達
其子子既明揚寔其大於爾光顯示褒恩
用嘉慶積茲特封為承德郎刑部貴州清
吏司主事服此隆休益綿遐祉

勅曰古之賢母淑德懿行載在史冊不有哲嗣
以顯揚之罔克表見於世爾王氏為刑部
貴州清吏司主事張舜臣之母貞靜朴素
恭順柔嘉系出名門禮歸望族相夫力學

不失為君子訓子成名作予之法臣雖已
下世尚有卹章茲特贈為安人明靈未遷
歆此殊典

勅曰尊母配父前後不殊所以推歆錫之恩崇
激勸之道也爾劉氏為刑部貴州清吏司
主事張舜臣之繼母慈愛柔良莊敬康靖
動循內則克嗣前休以至夫之克家子之華
陟咸與有勞焉宜錫殊恩用昭徽懿茲特
封為安人其尚欽承斯為異數

刑部主事張舜臣本身及妻勅命一道

皇帝勅曰朕為肅將明禋誕孚祗告仰祈欣豫
以昭國之大事爰奏成儀通旌神貺恩欲
寵被位能以對揚休錫爾刑部貴州清吏
司主事張舜臣雅飭忱恂恢宏敏達勵志
力古早登甲科銓選明浚寄以劇封其保
民也惠愛慈良其立政也平直簡易其行
已也強毅純白吏畏民懷境內大治朕以
益臨之薦羅致法曹非佞惟良篤於簡孚

明允慎脩聞譽大起朕甚嘉焉茲特進爾
階承德郎錫之勅命夫獄者三刺而後決
辟例者一成而不可變當有篤于古人明
允詳慎至意務懋生德以綏永休欽哉

勅曰凡我臣工獲以宣猷贊化於其上者是必
有中樞之相俾無內顧之憂也然而寵綏
之典不加何以為勸爾刑部貴州清吏司主
事張舜臣妻王氏寧休婉婉溫憲懿慈以
柔濟剛承律為順令門之淑文英之配也

縣志藝文卷五

三十五

才智藝能固不可知而其賢著之大已於
其夫之所成者見之錫我綸章以嘉榮典
茲特封為安人勉循陰教以迓繁禧

戶部主事劉鑑父母勅命一道

皇帝勅曰為善之報不于其身必于其子雖久
近不同而卒未嘗爽也爾劉以孝乃戶部
廣東清吏司主事鑑之父醇和毓性愿懋
提身雖畜德未究而慶鍾嗣人克享其養
亦可嘉已茲特封爾為承德郎戶部廣東

清文司事服此味為天以聖

勅曰朕為百執事馳思於天以修報志之報矣
然龍章不及於母氏又豈所以重勅勞之
德而慰人子崇親之願哉爾戶部廣東清
史司主事劉鑑之母王氏莊懿貞靜恪有
令儀課子成名位列榮顯翟冠象服足以
為慈訓之光矣茲特封為安人尚敦壺政
助我化風

戶部主事劉鑑本身及妻勅命一道

縣志藝文卷五

三十六

皇帝勅曰今天下旱澇頻仍歲賦弗給朕加意
元元靡所不至而調停盈縮以裕國用則
戶部諸屬實分掌之厥任不亦艱哉爾戶
部廣東清史司主事劉鑑蚤起制科簡登
民署持廉秉正茂著能聲朕甚嘉之茲以
熙事告成特進爾階承德即錫之勅命於
乎急則傷民緩則病國久矣徵輸之難以
盡善也尚其懋脩以恢遠勸國有頤步康
親爾成欽哉

初曰婦之於夫同隱約於雞鳴盥櫛之初而不
共休顯於象服委蛇之日豈非人情之所
隱惻哉恩不並及非所謂稱也爾戶部廣
東清吏司主事劉鑑妻姚氏蚤著徽音克
配君子甫及光顯遂捐室家茲特贈爾為
安人匪徒為幽室之光亦以為夫生者

勅曰朕惟人臣克效勛勞於國雖本於父母之
訓而伉儷相資之助亦不可少也故朝家
冠帔之錫翟茀之榮恒必及之爾戶部廣

東清吏司主事劉鑑繼室李氏柔嘉貞順
祀饋克脩弼爾令人為時彥士茲特封爾
為安人益茂芳徽晉承蕃祉

戶部郎中王如綸父母勅命一道

皇帝勅曰朕以孝治天下凡庶僚奏績者既稽
其功緒而旌晉之矣尤必視其爵秩以追
崇其親所以慰人子之孝思無弗至也爾
王傑乃戶部山西清吏司署郎中事主事
王如綸之父飭躬砥行佩義服仁孝友為

子姓之示淳善敦鄉曲之譽遺經課子效
用明時恪守官常顯揚爾德要皆庭訓之
所成也茲特贈為承德郎戶部山西清吏
司署郎中事主事寵之綸命以表慶源庶
酬未竟之衷允篤寢昌之祐

勅曰天生材以昌人家國必有賢淑為之母而
慶祚因以寢熾焉故恩命下逮寧厚斬所
自哉爾劉氏乃戶部山西清吏司署郎中
事主事王如綸之母儉勤冲惠式宜爾家

順以承夫慈能訓子閱緒滋大益表爾賢
茲特封為太安人祇服渥恩永綏介祉

戶部郎中王如綸本身及妻勅命一道

皇帝勅曰司徒職掌財賦國計攸關列屬分領
惟煩非廉勤通練之才不輕授也爾戶部
山西清吏司署郎中事主事王如綸以甲
科之英兩宰劇邑采之荐牘晉陟秋曹載
遷民省不替休閑茲以歲闋聞特授爾階
承德郎錫之勅命以為爾榮夫理財國之

妻務取之民者不止十一而輸之邊者恒
居十八焉以爾理家有要旨儲于宣鎮邊
需之急爾固知之然治邑有聞則民生之
艱亦所熟聞矣酌于二者有均節之方俾
邊儲不匱民生亦裕庶幾善理財也往其
一祇服茂遠圖欽哉

勅曰婦有淑德不得所託無以自見故貴從夫
壽所以表章美之含錄儆戒之益也雖異
存沒綸命咸不靳焉爾李氏乃戶部山西

一清吏司署郎中事主事王如綸之妻毓秀
名曹嬪于德門聰慧柔嘉克相君子績學
殖行仕致顯融而爾則有朝露之惻矣爰
念往懿褒卹均施特贈為安人庶幽靈之
有知服休光于無斃

勅曰朕寵綏群臣必不遺乎閨闈者昭敬勅也况
夫既登庸致位休顯者安得不錄其配耶
爾劉氏乃戶部山西清吏司署郎中事王
事王如綸之繼室內則惟閑女圖允協乃

相厥夫茂著理效茲因奏績並錫崇階特
封爾為安人象服是宜鴻渥未艾

國子監助教崔良貴父母勅命一道

皇帝勅曰朕紹休五位徵福

兩宮嘉與廷臣咸共休慶其或品制所限弗獲
遂其顯親之心者朕且體其私而曲成之
要皆所以均恩貺廣孝思也爾崔仲誠乃
國子監助教崔良貴之父朴直成性勤儉
三 提身尚義敦倫鄉稱善士爰啓爾子以明
志藝文卷五

四

經起家司子胄教爾之遺澤遠矣茲以恩
例特移爾子之恩封爾為脩職佐郎國子
監助教祇荷綸褒永綏祿養

戶部主事崔良貴父母勅命一道

皇帝勅曰夫子之才賢恒由父之訓迪故朝廷
錫寵以子官官其父焉爾封脩職佐郎國
子監助教崔仲誠乃戶部四川清吏司主
事良貴之父詩書世業孝弟力田信行重
行評義方嚴于庭訓遂成詰嗣效用熙

時司度應平家規彌著是用加封爾為承
德郎戶部四川清吏司主事龍章重貴燕
翼增輝

勅曰人子策名以顯親至榮也矧其親具慶偕
封微恩不已厚乎爾王氏乃戶部四川清
吏司主事崔良貴之母夙秉文貞恪脩饋
政相夫勤儉聿振家聲育子愛勞克成宦
業計曹暢譽慈訓益彰是用封爾為安人
祇膺冠帔之華共享庭闈之慶

縣志卷之六

四十二

戶部主事崔良貴本身及妻勅命一道

皇帝勅曰計部分列諸司司各領其職以佐國
用任亦劇矣非有才賢不在茲列慶賚寧
得遺焉爾戶部四川清吏司主事崔良貴
畿輔蜚英黌宮振鐸載作人于胄學乃選
擢于司民而爾夙夜在公服勤匪懈典庾
職幣惟允惟明茲用授爾階承德郎錫之
勅命夫司徒之職教養攸兼爾前已敷教
成均掄材南國矣尚圖均節財用導利下

氏以副朕惠養元元之意欽哉

勅曰朕於奉職之臣既已褒其身矣又思及中
閨俾與從爵之榮明相成也爾戶部四川
清吏司主事崔良貴妻王氏姆訓夙嫻壺
儀克踐相夫力學不懈服官計部庶勤芳
聲彌著爾之賢足徵已是用封爾為安人
益敦頌止之規用迓駢蕃之錫

興化縣知縣王三餘父母勅命一道

皇帝勅曰士嘗業儒入官懋著作人之效則其

縣志卷之五

四十二

垂訓于家庭者豈不豫哉課績疏榮寔惟
彛典爾原任河南南陽府葉縣儒學訓導
王遜乃直隸揚州府高郵州興化縣知縣
二餘之父蔚有文名茂膺歲薦雅範父字
于士望清修無忝于官箴篤啓嗣人為時
良令茲特贈爾為文林郎直隸揚州府高
郵州興化縣知縣祗歆顯渥永賁幽原

勅曰夫儒而相之學子儒而教之成此其為妻
若母者亦遵乎有足稱矣匪藉褒綸何以

章報爾李氏乃直隸揚州府高郵州興化縣知縣王三餘之母婦道安貞母儀嚴肅既貴而儉終壽且康爾之福履厚已是用封爾為太孺人敬佩鴻庥益綏燕喜

興化縣知縣王三餘本身及妻勅命一道

皇帝勅曰朕憂勞天下惓惓惟民隱之恤所賴與共安利之者良令責耳肆有績效可後褒嘉爾直隸揚州府高郵州興化縣知縣王三餘器度雅醇才資敏茂蜚英軒對丹

綰邑符能秉操潔清勞心撫字民安吏稱治辦有聲茲以秩滿授爾階文林郎錫之勅命夫海陵之地水灾汎溢民日困咨爾能綏輯而安全之矣益廣令猷以昌駿譽朕則有崇寄焉欽哉

勅曰鷄鳴戒夕夫婦所以相成也人臣夙夜在公著有成績則內德之賢彰已國恩並逮豈非稱哉爾直隸揚州府高郵州興化縣知縣王三餘妻楊氏孝敬承尊儉勤佐內

爾夫學不弛業仕不違箴惟爾寔左右之
是用封爾為孺人尚益懋其肅雍以永諧
乎靜好

兵科左給事中王三餘父母勅命一道

皇帝勅曰明君重禮諫臣則必推崇賢父用以
答瓊闈之勩而疏禰廟之榮義也爾原任
河南南陽府葉縣儒學訓導贈文林郎直
隸揚州府興化縣知縣王遜乃兵科左給
事中王三餘之父博雅宿儒清脩高士登

縣志藝文卷五

四四

名天府聿稱鴻筆之英筮仕泮宮恪守青

氈之志傳經啓後振采光前嘉謗諤之聲

遡敷遺之訓是用改贈爾為徵仕郎兵科

左給事中承晉錫以彌崇闈也膏而永譽

勅曰朕推人子孝念而喜樹萱之詩凡令望著

于熊丸者則華褒彰其燕婉焉爾封太孺

人李氏乃兵科左給事中王三餘之母貞

儀維淑靜德孔嘉效職管篋賢尤徵于贈

佩鎮祥莞章愛復見於裁機慈養方寧諫

聲正茂是用仍封爾為太孺人翟冠華于
再命鯁齒慶于百年

兵科左給事中王三餘本身及妻勅命一道
皇帝勅曰朕垂旒以御天下而寄耳目於言官
有能詔媿塞違匡朕不逮朕且褒勞之矧
邁斯慶典乎爾兵科左給事中王三餘德
器貞純才猷碩敏公車擢儔壯縣宣勞掄
置諫垣振揚風采獻箴規而茂明國體議
政事則咸中時宜朕甚嘉之茲以覃恩授

縣志藝文卷五

四十五

爾階徵仕即錫之勅命夫明主不惡直諫
以博觀忠臣不諱正言以極諫故化理無
壅闕而泰道成也朕方虛心采納爾尚夫
志敦陳懋哉

勅曰瓊闥封章能匡國論閨闈儆戒允勵官箴
矚伉儷之相戍故恩褒必並逮焉爾兵科
左給事中王三餘妻封孺人楊氏端慎有
齊惠柔無遂事尊而仕以孝養繁衰惟虔率
下以清脩組紉不輟臣忠茂著婦順茲

皇帝勅曰朕憂勞天下以牧養之責託之長令
課其功能而褒錫之不敢後也矧國家湯
沐之邑尤所注念者哉爾直隸鳳陽府壽
州蒙城縣知縣靳紹謙通材敏識雅志清
標發跡賢科握符劇邑而爾能廉勤舉職
豈弟宜民奉最來聞朕心嘉悅是用授爾
階文林郎錫之勅命夫安靜之吏歲計有
餘爾既有成效矣尚益勤思乃職以永終
譽朕將顯陟汝欽哉

勅曰婦以從夫為義故既歿而贈恤之恩猶視
夫階重初配嘉始助也爾直隸鳳陽府壽
州蒙城縣知縣靳紹謙妻郭氏嫻嫻能從
端莊可則相夫有淑未逮顯榮良可悼已
茲贈爾為孺人綸章有赫幽室用光

勅曰士君子學不弛業官不違箴固所自樹而
閨闈之助若多焉爾直隸鳳陽府壽州蒙
城縣知縣靳紹謙繼室田氏恪脩閨範允
嗣徽音相夫服官休問宣鬯爾之賢足徵

矣是用封爾為孺人祗荷寵光益敦頌正
鴻臚寺序班張賢勛父勅命一道

皇帝勅曰朕以嗣位需澤凡我在廷既遂其顯
親之願矣然亦有為品制所拘者感體其
私而成之均恩廣孝以示厚也爾原任山
東夏津縣縣丞張堯臣乃鴻臚寺序班賢
勛之父操持無玷佐治有聲慈牧已著於
官常嚴訓不忘於庭授爰啓爾子為朕侍
臣諳舊儀章以肅朝著爾賢益徵已茲以

移封之請來聞朕特允之是用封爾為修
職郎鴻臚寺序班茂膺優渥之恩益介壽
康之祉

鴻臚寺序班張賢勛本身勅命一道

皇帝勅曰國家朝貢宴饗之儀掌三禮官而儼
導宣傳使行之靡忒者則鴻臚之職也置
屬雖繁厥甚均重爾鴻臚寺序班張賢勛
育才胄教式訓家規擢昇今官克勤夙夜
茲以建儲坐息特授爾階登仕郎

命爾以一職自効得奉璽書酬庸進律可謂榮矣尚竭初忱無替朕命欽哉

勅直隸真定府安平縣民郭弘

國家施仁養民為首當歲歉穀貴之時爾能出米麥等糧六百七十石用助賑濟有司以聞朕用嘉之今特賜勅獎諭勞以羊酒旌為義民仍免本戶雜汎差役二年尚允踴忠厚表勵鄉俗用副朝廷褒嘉之意欽哉故勅

縣志藝文卷五

四十九

諭祭文

維

天順五年歲次辛巳 月 朔越日

皇帝遣直隸真定府知府苗灝

賜祭于南京戶部尚書張鳳曰惟卿持已公廉存心平易早居郎署綽著能聲薦厯亞卿之遷復進司徒之長轉夏官以參機務復地官以展才猷再調南京益彰令譽勤茂績於九載俾還任以嘉脩委寄方隆

一疾遽逝訃音忽至良切悼傷茲特遣使
諭祭以全始終之誼靈如不昧尚克歆承
維

天順五年歲次辛巳 月 朔越日

皇帝遣直隸真定府照磨嚴恭

賜祭于南京戶部尚書張鳳曰惟卿效勞
于國而遽告終撫念生存良用悼歎茲臨
窆遣祭爾靈精爽如常尚克歆享

維

縣志藝文卷五

五十一

天順五年歲次辛巳七月己亥朔十五日癸丑
皇帝遣禮部郎中李和賜祭於錦衣衛指揮
逯杲曰爾以敏銳之才志圖報國訪察隱
願不避讐嫌頃值賊臣遽遭凶害驚聞哀
計恤典是加身雖殞而名愈彰志雖齊而
忠益顯承茲諭祭其慰爾靈

贈南京戶部右侍郎張公墓表

翰林院侍講清漳謝連撰

公張氏諱益字去九謙其先滄州益山人

少平蓋黜聘弗居通顯者凡四世始太父
諱大曾大父諱重大父諱才與父諱得材
孝第純篤鄉稱善人年四十之嗣子禱於
北辰後果生公公生有異質器量不凡知
能克厥宗乃從遊於邑庠受經於學官即
能究其旨趣而於䟽通知遠之義靡弗精
究洪武丙子膺薦登太學與賢士大夫往
來咨扣而文日有名行董推讓頃以才能拜
郢主府典儀迎二親就養雖俸祿之薄公
奉養無違二親亦未嘗不得其歡心昔

太宗文皇帝入承大統更化之初簡賢致禮而
吏科都給事中孫璘薦公才行卓越陞刑
科給事中公立朝侃侃敢言惟務伸冤理
枉時有同僚友郭禮因視田毆死盜禾軍
人事覺有司以殺死軍人律抵罪勅奏公
語其僚張信曰律有明條罪人拒捕主者
格殺之勿論今郭禮田主盜禾者罪人以
田主而毆死罪人法當免也若令抵死於

曰端正方平麟之子曰愷悌忤鳳之子孫
女四適名族曾孫男八曾孫女四公死時
麟鳳尚幼從大父與祖妣王氏還安平具
公衣冠泊其配李合葬於祖塋之次寔永
樂辛卯之歲也歲中大父壽八十六祖妣
壽八十三亦相繼不疾而終麟鳳俱克盡
喪事循理合葬士論難之麟克幹蠱家業
以股鳳刻志讀書通春秋經中永樂癸卯
鄉試宣德丁未登馬愉榜進士第擢行在刑

部江西清吏司主事二考最給勅命贈公
如其官妣李氏贈太安人又明年鳳以不
次擢刑部右侍郎又調南京戶部右侍郎
灼灼有賢名九年考最後授誥命加贈大
父父正議大夫資治尹南京戶部右侍郎
祖妣贈太淑人至是鳳乃奉其姻友應天
府尹新安李公敏所述事狀屬璉銘璉與
鳳同官同年進士且遇璉極厚誼不可辭
乃為表其墓曰嗚呼人之有生莫不有節

然有得其死有不得其死者所處合乎義
而遭逢不測墮身于難雖陷于水火盜賊
得公之正也亦何憾焉顏杲卿之死于節
張巡許遠之死于忠王彥章王清之死于
戰是皆得其死故史臣皆取之以勵忠節
苟不由義而冒恥以偷其生縱殘正寢君
子鄙之亦何足道哉若公之死忠在朝廷
誠字醜■天語褒嘉與日月爭光蓋得其
死者歟易曰王臣蹇蹇匪躬之故公之謂也
有既乎

戶部尚書張公神道碑

內閣太學士南陽李賢撰

士之見用於世衆矣而位至公卿者誠不
易得公卿之中心術正大者尤不易得幸
而得見其人一旦即世可勝悼哉安平張
公是也公諱鳳字子儀先世滄州鹽山人

後徙真定之安平曾祖才與祖得林俱潛
晦弗耀考諱益任禮科右給事中祖考用
公貴俱贈資政大夫戶部尚書祖母王氏
母李氏俱贈夫人初李氏有娠一夕夢大
星出懷中覺而生公以為異三歲時取父
書讀誦見者驚喜六歲時父友靖遠伯王
驥初登進士瓊林宴罷公取其所簪之花
戴之歸家曰新進士來也家人出迎方知
為戲識者知公有奇志矣鄰人降神公往

觀之無驗叩之曰卿相在此公去神乃降
衆驚異曰此子不凡矣稍長從太常少卿
鄭雍言授春秋經每有講說即能問難頷
悟異常人咸重之已而母病躬侍湯藥衣
不解帶母卒居喪盡哀人服其孝永樂己
丑犯邊

文廟出師征之以公父贊理戎務因主將
失利沒於陣公時年十四祖父母垂白在
堂家道蕭然哀毀踰禮但與兄奉母還家

力事養得其懽心久之有司聞公孝友
為邑庠生公潛心力學雖祁寒暑雨而不
輟遂領鄉薦入太學時鴻臚寺序班參議
例選北人為之吏部尚書蹇義見公異之
曰此生不可就此職也宣德丁未吳澄
士第癸丑春擢刑部江西司主事時江
豪民為逆者千餘人繁獄未決付公理
公一訊皆得其情列狀

上聞獲免死者數百人由是能聲大振三載書
縣志藝文卷之六

最給

五十六

勅命推恩及親大司寇嘉公之才特令總
部言奏乎委審錄在京罪囚清與益
統戊午冬特陞本部右侍郎由主事起
待郎者自公以前未有人也公益感激盡
心已未夏以在示草場出納多弊

勅命公巡督不數月間宿弊盡革辛酉春調南
京戶部侍郎公上疏曰南京乃根本重地
糧儲不可不預宜每歲分米二百萬石

定為例往年南京收支糧草專委憲臣提督至是

勅公兼督蓋以出納嚴謹故也時人以公執法呼為板張

朝廷亦知之己巳春賜以

誥命榮及祖考復以重書加勞有清公勤正之衷齋以白金文綺景泰壬申春陞本部左侍郎未幾進陞尚書明年廷議以公素有譽望乃轉南京兵部尚書參贊守備機務

縣志藝文卷五

五十七

又明年為戶部尚書時邊務方殷錢穀費用動以萬計前大司徒措置不及深以為憂公至是處之裕然國用不勞而足乙亥

秋復賜

誥命天順改元

皇上復位思南京舊都須得舊人仍命公為南京戶部尚書兼督糧儲辛巳春以考績赴闕上慰有加公以足疾懇辭休致不允舟還途次足疾大作抵任而卒在三月十八日也距

生洪武丙子九月四日享年六十有六公
為人正直心地平易持身端謹操履清潔
天資剛果遇事敢為蒞政惟公人不敢以
私干之尤篤于友義同門寔于仕途者必
極力助之故人李物習為太常贊禮即母
老子初夫婦相繼而卒公惻然于心遂養
其母以終聘其女為子婦教養其子至于
成人又急于濟人嘗渡江偶遇一舟覆于
急流中公即捐白金購人救之舟中之人

賴以全活性尤真率客至即出酒肴對酌
為樂不計豐約與之接者未嘗不稱為朴
實君子也歷官幾四十年勤慎如一曾無
過舉真可謂一代名臣矣卒之日有司
以訃聞

上深悼之遣官諭祭賜以賻儀復令所司為治
墳墓給官舟歸葬于鄉

思典如是夫豈常有哉公配李氏累封夫
人子男三人長曰愷次日悌次怵女二人

長適秀士王琛次幼在室孫男六人孫女
二人因為之銘曰

嗚呼張公生也不偶偉器大才童時已負
奮志力學乃掇巍科歷濟膺仕人不能過
惟公惟廉確乎不拔茂績宏昭前修是軋
時呼為板乃定其操當事之劇處之不勞
况其為人天性孝友濟物之心一何其厚
性度坦率朴實無華勤慎不替士類咸誇
顧於仕途惟順無逆造物冥冥庸有偏惜
善

由其所存正大不囿考諸言行名臣之魁
異類是養存沒無間頽仰泰然全歸於善
重修

聖姑廟記

邑人戶部主事崔良貴撰

聖姑郝姓相傳周末時人父義母張氏世
居邑會渦村四十無子常禱于神踰年生

姑姑少淳朴性至孝力飼蠶鑿農以養及
笄父母欲嫁之姑泣對曰父母生無男又
嫁女誰復養者誓不出父母不能強父嘗
生癰弗可醫姑願天呪癰癰竟愈事父母
皆壽終力為塋墓已時時伏墓哭卒哭
而後已邑人哀而敬之後與隣女樵滌沔
水上鄰女還言見車馬自水中出迎姑姑
忽然不見邑人謂姑僊去立祠祀之後漢
更始之亂光武皇帝為蕭王北巡定冀趙

中山地王為王郎所追走會渴村人馬疲
渴有女行道上肩水二器衆爭飲之女棄
器負杖走時從百餘騎飲水水自器旋盈
飲人馬足不竭視女不知所在衆以為神
已而出祠下見姑像與女肖前杖在馬王
大驚後即位封孝感聖姑姑靈異自是顯
矣歷唐宋元屢有異感歲清明鄰近香火
雲集至正間南平州帥趙登始擴廟址
明朝弘治間邑侯張公再一新之今

上御極二三年間邑雨暘大水城郭得無壞民
咸謂神力祐助報祀彌切先是嘉靖辛酉
歲耆民劉演可以觀惠果等奉邑侯都公
及孫公令鳩材聚工增飭廟貌偉甚後邑
侯郭公又令耆民可以觀庶千惠果安重
張大宋趙誥創為臺垣二翼鐘鼓二樓儀
門一重藝爐一具旁門三後門一路門一
木表一議已定群匠趨之廟主羽士劉守
已從而効勞之迄歲餘未就暨今春邑侯
陳公初下車視事政令甫新而工告成蓋
若有待云于是托予姻親王嘉臣請予為
文以記予聞人可以範俗貞軌者則祀神
可以禦災捍患者則祀今聖姑終身不嫁
以事親則孝純負汲拯渴以急主則忠大
顯靈辟水以全城則仁昭夫孝以表俗忠
以捍患仁以禦災若是則姑蓋行出烈士
功在國家其光于鄉惠于衆非淺鮮矣廟
享豈不永永哉是為記

增脩安平縣文廟學宮記

邑人戶部郎中劉鑑撰

安平為真定屬邑古之博陵國也舊有廟
學衣冠文林之雅由來尚矣金季變于兵
元始建于縣治東北我

國朝復緝之前尹陸公載郭公學書又拓而大
焉規制備矣顧歲久漸敝雖述如脩飭罔
獲經遠商水王公懷忍筮尹下車謁廟視
學慨然有聿新之意第時饑盜起夙夜以

縣志卷之六

六十一

賑荒訂冠為務再越年致通事康民用寧
息百廢脩舉間適淮安田君銘教諭是學
至心同侪人謀協弘化廼相廟學默籌潛
計因其頽頹者而加以脩葺卑陋者而易以
高明廢缺者而繼以增補于是廟之制大
成殿宇東西兩廡前戟門中泮橋又前櫺
星坊題萬仞宮牆丹雘輝煌巍哉輪奐此
皆因舊而新之者也學之制明倫堂舊隘
今增弘大與東西存心養性二齋俱為六

楹北連左右號房罔不周飾又遷敬一亭于堂後西北隅遷啓聖祠于堂後東北隅此皆革故而新之者也堂之西為神厨又西為倉廩堂之後空其地議脩饌堂迤北為杏壇遺趾牌扁又出杏亭止墜木而未覆甃正北乃議脩尊經閣尚缺焉有待堂之東為神庫又東為鄉賢祠前為名宦祠又對為宰牲所傍即創井味甚寒冽欲補風水求即得之凡此皆增益其所未有者

也于廟左為規矩門右為準繩門坊前設當殿木祭棹祭盤各計百餘爵豆樽俎凡案諸器悉製造堅好凡廟之所宜用者咸備焉于學西為禮門直內即三廡宇官師居之東為義路方外即學儀門通衢以別廟學之域門內有帝君祠魁星廟仍而新也儀門東別創射圃亭一區又高其路臺新其堂鼓凡學之所宜有者咸備焉學舍中列垣墉外繚泮池前深玉山後聳樹塞

扁對奎章曲協增損廣狹適中法宜裁制
科種各合取義完美盡于一時壯觀加于
倍沉沉肅清穆穆淵邃安平廟學益弘且
麗允為燕趙之最茲後也始于丙辰春詔
于丁巳秋捐俸設處者王公而經畫督搆
者田君馬君夫病堂制之狹隘弗容諸士
廼速增楹換棟廓為五間恢弘廣遠尊大
相稱又邑尹曹公鉉初政新字之力而相
謀協成者則教諭張君汝卿實倡之然一

時同事丞張君尚志訓導路君文弼王君
進尉陳君細均有贊成之助脩理即構石
屬鑑為記既而王公以孝致去田君以老
致去訓導童君鐔以遷官去嘗拳拳以記
委也時鑑方在疚且以棄人言弗信後辭
迄今四年新尹曹公復留心于學校而增
恢其明倫堂闔學生員逮于崇仁等邑之
衣巾儒士魯子化等思公去後頌公偉績
樂為義學以卑記事廼顧予申前記立石

于學以圖不朽鑑惟孔子之道天下所尊
以為治故廟有祀學有教必先焉而不敢
忽今之有司多有偏廢不舉之患可勝嘆
哉若邑尹王公涖官清苦五載如一臨政
專以節省民財培養士氣為念嘗以養母
求歸再三官羈弗遂偶為公受誣竟浩然
長往至留獎勵銀花于衙之影壁以示弗
受士夫鄉民保留都撫動經幾百里不下
數千人皆不驅而自趣也卒之心事如青

天白日一時上官相顧嘆曰求古人于今
人吾于王知縣見矣屬官之賢當于安平
大尹為第一所以巡按姜公移檄王公原
籍致仕二府胡公感其即告歸休安平公
議登志入名宦祠祀之矣王公質直尚義
有古循吏風其孝其廉其重學校至動衆
感人若此則其以身教示安平諸士者良
多豈徒土木之事以粉飾宮牆而標致膠
序為然哉要之禮神育才之道固在廟學

而諸士之體教希賢實亦不外此也故諸
士之日遊于斯也萃敬于脩祀興志于瞻
依行階序則心盈科而後進望宮牆則何
數仞之難窺趣門戶則奮獲入之或寡循
視廊廡則嘆後學亦可登躋陟殿堂則思
賢由之已升而期聖域之優入借物遠取
即身近求凡絃誦歌舞之時皆藏修遊息
之地由是心存性養顯庸于時則必成正
大光明之業退而家食亦足以氣節自表
公繼脩于今者蓋以作士行而申

而風世善俗如是則庶于孔子之道其無
愧乎夫然則王公之倡修廟學于前而曹
國典也其功豈不既大矣哉昔人有聞韶而思
舜德觀河而贊禹功後之人宜必有因士
行而頌二公之功德于不衰者矣然則為
二公圖不朽者是在爾諸士也鑑素仰公
之德政多矣而學校特其所重耳故記其
成併告焉以為同庠者勵

重修

勅封孝感聖姑廟記

邑人禮科都給事中王三餘撰

今天下神祠廟貌幾遍寰宇金碧輝煌照耀遐邇然有創自今時而非古蹟者亦有建出私意而非

勅褒者動稱淫祠何關有無予嘗恨不借狄梁之手以解愚民之疑求其忠孝大節貞烈女德神靈英異廟號尊崇若吾邑孝感聖

姑者真無忝哉邑之北門有聖姑臺在焉其生平顛末與始創立之由具見邑志舊記與寰宇記所載中大都謂其孝事嚴慈守節不嫁也為父吮瘡廬墓不懈也河伯神迎仙于水府也水飲漢兵人馬俱濟也漢世祖復辟崇德報功賜以孝感聖姑之號遂扁其廟額其生平大節炳炳史冊者如此此其節義豈尋常婦人女子及一應賈祀不經者可同日語哉惜其祠宇初創

于卯金再新于元嗣後入我

朝雖稍稍脩舉補塞隙漏然皆旋脩旋壞龍
窠無聞年來日漸傾圮且吾邑素被水患
浸淫及于廟臺其東北二面基址衝塌尤
甚久之遂延及廟宇將岌岌焉殆矣今年
萬曆十六載鄉耆可以觀安重還崇先張
效彥等合謀重修得請于邑侯閔西王公
于是更新廟貌繪畫神像補葺殿宇包砌
臺基其層臺遠地幾數丈勢甚高聳工費
亦頗不貲丹堊丹築以及鍾鼓樓神路火
爐坊牌牆垣門屏之屬靡不一一飭備閱
數月而告成實實翼翼煥然一偉觀矣既
成請記于予予謂國之大事在祀春秋獨
重成民項子纂脩邑志惓惓于正祀典三
致意焉惟此聖姑廟創始肇于炎劉

勅封出于帝主有安漢定鼎之功有濟危利困
之仁歷漢元及我

刻無慮千百年至今有之其可廢也則今

日之脩胡可已也有叱瘡之孝而世之為
子者勸有廬墓之苦而世之送終者法有
及笄辭嫁之貞而世之為女若婦者無身
醜之理即吾邑孝烈蒸蒸有人而表揚崇
重千條風化不淺則今日之脩胡可已也
然猶未也吾邑博陵舊都人物富庶號小
燕京賢才輩出為士族冠漢唐以來有三
世掌制誥者有歷臺閣藩鎮數十人者邑
志所載詳矣聖姑廟重鎮北門隱然鎖鑰
風氣攸聚毓秀鍾靈為吾邑之望者不小
則今日之脩胡可已也至其捍災禦患聖
德神功呵護全邑未易縷數予故謂聖姑
大節與尋常廟祀萬萬不侔而供奉香火
于百千億禩萬萬無忝也書成而刻之于
石以垂永永且使後之同志者感發興起
祀續無窮則此祠也雖與天壤俱敝可焉
昔人謂文章不關世教雖工無益也予于
以廟亦云然若緣此而稱罕之能文則吾豈敢

徐召村重修東嶽廟記

胙城縣知縣山西張仲賢撰

東魯有山巍峩插天橫亘數百里巖巖高出乎一方下瞰群山如蟻封丘垤然不可得而與之伍也名曰太山是山既高其神必靈故歷代帝王有登封崇望之典而民之鍾孕茲地圃生其下者覩巍峩而興敬畏故水旱馬為之祈禱疾病烏為之呼告凡百不平于心有抑于人者必指山致祝傾心對神推丐神之休咎庇祐之如

縣志藝文卷五

七十一

子弟之疾痛灾苦而呼泣諸父母也神之應否雖未可必此固民心秉彝之天有不可昧者故凡建祠宇崇祀事其以是而已安平郭之西北曰徐召村舊有茲廟自宋紹聖五年所建者迨至正統七年鄉人以義倡率重為脩理今蓋近百年矣瓦甍頽圯棟宇推壞丹青剝落其去荆棘之場無幾矣大尹古朝張侯諱瑄以事過廟下仰而嘆曰是為安神靈祈民福之地也乃若此則民曷所企仰而敬信耶民心殆將無敬矣

吾人之責也遂慨然起新理之念仍以義倡諸
縣俾量力勸後義官張珩富而好禮仍俾專領
其事肇工于弘治十七年十月至是乙丑三月
工始甫畢頽者起之弊者銷之無者創之考其
所營正殿四楹東西廡七楹中殿四楹聖母堂
一所門樓一座庭堂堂宇百爾俱備飾以金碧
繪以丹青神像侍衛儀貌森嚴真足以安妥神
靈振起仰企而人心之敬畏凜然復存矣是役
也大尹倡之張珩成之而居人民衆從而贊翼
縣志藝文卷五
七十一
相助之工力頗繁不可無記於是撮其建立之
始末與其用力者之多寡鐫之以石用告後來
垂諸永久或以為安平定鎮之墟甫臨北嶽茲
廟據非其地民祀恐非所宜享殊不知名山大
川咸為地類形既類其神不類乎神既類人之
鍾孕而成育之者咸地功也地之功豈有異耶
况神之在天下猶水之在地中無處無之而人
心之敬仰遐邇一律無人而可忽舉一之敬而
天下之神俱存矣矧乎地連秦魯密邇大山

耶修飾崇重之心不無謂也遂係之以銘曰定
鎮之墟縣曰安平郭之乾隅曰徐召村突然有
廟創自紹聖及我英廟復見其聖老稚是崇朝
夕且敬旱澇叩呼靈其響應恤我民瘼有功茲
土人心有天神無矢所乃因其舊肆為更張興
起成飾張侯之倡廟貌森嚴過者起敬驅我旱
霄祛我厲病我民惟休由是安定萬祀千秋姓
年孔慶

重修安平縣志序

顧桐作

王侯順菴翁者陝省庚午進士也自甲申冬來令安平蒞政五稔治行特茂乃興除之暇議及舊志慨其缺畧失次文不雅馴况自嘉靖庚戌以來迄今四十

年餘杳遠言湮闕逸靡紀後將何述誠從政所當加意乃急錢梓而新是圖遂丐都諫王公總領其事復又謏屬桐輩第字李化等搜採攬撫增補校正之至其間參異同釐魚豕正體裁刪

稅之歲經史正文辭其草制也
權相維翰不能奪漢唐豪賢懿
德茂行名垂廟記耿耿當時官
常者所當則也不知舊志何以
不列于鄉賢若昭代之王公健
也己己之變父則本會節以顯義

後志卷之三

四二

子則危軀以成仁曾不得以享
祭于社亦可惜也王公學益也
緩德之守遺愛在邊陲孝友孚
內外而今始附主祭廟不亦宜
乎二公軼聲前代表表一世雖
不獲報於昔幸得崇報於今固

直道而行者所同好也舊志之
舛謬若此奚以信傳柰何修之
容已也今皆一洗其陋可謂其
事核其文直不溢美不隱過力
追作者其仲堅所稱實錄也已
然殺青於戊子之冬竟編於己
丑之秋志序悉具亦足以昭紀
載而備採擇矣公復囑桐跋之
於後雖固陋不文難以繼美然
久侍教下其何敢辭嘗謂文不
虛傳事如有待若今邑志之修
誠必世一時之會也何以守令

而無史官其所務又有急於史者往往有所急而後所緩者其勢也亦理也簿書盈於几案轂蹄疲於使塵功曹委於刀筆程督折於鹽米官居若郵傳載乘無專職且又繁寡要失之蕪諒

寡斷失之固匪文則行之不遠匪實則覈之失真是以把卷則廢書而嘆執筆則佇息而索徂於因循限以才識未有以是為急務者必獨拳拳急人所緩非賢而有才能若是與噫事有作

斯有述歆善終惟其始修詞撰
德約文比事非都諫公之纂言
也固無以開其始與廢舉墜宣
力率作非順菴公之刻意也亦
無以成其終二公可謂述作兼
備始終一德者矣志成而安平

之文獻永垂不朽後之採風稽
政者其尚知其苦心哉順菴公
賦性寬慈用法平恕簡易近民
豈第作士且其除煩解繞布護
閔澤不可毛舉今陞襄陽府貳
士民涕泣攀轅臥轍遮



留